

**2 pelegrinaji:** le KVV invièia vèdai, vèdues y porsones sores en Lünesc de Pasca de Ma a **Mariastein ti Tirol**. Cost dl iade cun marèna 38 € y an pèia ia da S. Laurènz dales 08:15. Da se prenoté pro la surastanta KVV o por le KVV Burnech al nr. 0474/411149 cina ai 12 de ma.

Por vèdai, vèdues y porsones sores dla Val Badia éle ince n pelegrinaje a **Plaus tla dljia de S. Monica** ai 24 de ma. Se prenoté pro Monica Costa al nr. 0474/590069. L'invit scrit vegn ciamó partí fora.



En domènia, ai 22.04.2018 complèsc **Giovanna Canins Isara** de Lista **85** agn. Le Senioreclub y düta la Comunità ti aoda düt le bun, sanité y benedisciun de Dì.

**Jun a pe cun le KVV:** metun man les gites da d'isté en mercui, ai 18 de aurí a **Kalterm-Altenburg-Tramin**. Piun ia dales 07:30 da Pedraces. Tolesse do la marèna y prenotesse pro Iaco al nr. 0471/839772.

**Curs da taié films** organisé dal Consèi de Formaziun de Badia. Al vègn insigné da taié de pici video anuzan programs debann, descìariá da internet ai 16, 26 y 30 de aurí y ai 02 de ma dales 20:00 te biblioteca da La Ila cun Paolo Vinati.


### Referac

tl cèrtl dles incuntades por le curs „**Familiars fej le guern a ciasa**“ sarál en lönesc 16 de aurí y en mercui 18 de aurí dales 20.00 dui esperc: en lönesc Gregorio Rungger che baiará sura „Le bot al ciorvel (Schlaganfall) Sintoms, terapia y prevenziun“ y en mercui Anton Huber, psicologh che baiará sura „Angst und Depression im Alter“. I referac é daverc a duc y ai é te Raiun Sozio-sanitar a Picolin dagnora dales 20.00.

**Le Consèi de Formaziun d'Al Plan y la biblioteca Angelo Trebo** invièia duc i interessá a na incuntada cun Lucia Mischi da Lungiarü che cunta de süa esperiènza fata t'America sciöche müta da mituns ai 17 de aurí dales 20:00 te biblioteca a Al Plan.

**“Intrecci e influenze tra arte, scienza e tecnologia dal Trecento ad oggi”** en jöbia, 19 d'aurí dales 20:00 a La Ila te biblioteca cun Danila Serafini organisé dal Consèi de Formaziun Badia.

**Fá ordin ti documènc de ciasa – Ci dificolté “Ablage - eine Plage”** cun Michaela Trompedeller en jöbia ai 19 de aurí dales 09:00 te biblioteca a Badia organisé dal Consèi de Formaziun de Badia.



Plata dla Ploania

Badia

San Iaco - San Linert

Ploan: **Siur Iaco Wendelin Willeit**  
Calonia Badia: **0471/839571**  
E-Mail: **parrocchiabadia@libero.it**  
Radio dla Ploania: **91,10 Mhz**

UNITÉ PASTORALA



[www.unitepastorala.org](http://www.unitepastorala.org)

Ann „B“ 15.04. - 22.04.2018 3° Domènia de Pasca n. 20

Sciöche i discepui á  
conesciü Gejù,  
canch'al rumpî le pan.



GOTTESBEWEIS

**Vangele dla proscima Domènia - 4° de Pasca dl Ann „B“**

Jan 10,11-18

Te chël tēmp á Gejù dit: Iö sun le bun famèi. Le bun famèi dá ca süa vita por les bisces. Le fant tut sö a paiamènt indere, che ne n'é nia famèi y de chël che les bisces ne n'é nia, lascia les bisces sores y s'un sciampa canch'al vèiga gnon le lu; le lu les scherza y les sprigora indalater. Al s'un sciampa, ciodí ch'al é ma n fant a paiamènt y ciodiche les bisces ne ti un vel nia.

Iö sun le bun famèi; iö conèsci i mi, y i mi conèsc me, sciöche le Pere conèsc me y iö conèsci le Pere; y iö dá ca mia vita por les bisces. I á ciamó d'atres bisces, che n'é nia fora de chësta stala; ince chères mèssi condüje y ares ascutará mia usc; spo saral un n pastoréc y un n famèi. Porchël m'òl bun le Pere, deache iö dá ca mia vita, por la tó indò derevers. Degügn ne me la tol, mo i la dá ca de mia bona. I á la potesté de la dé ca, y i á la potesté de la tó indò. Chësta misciun ai cialé da mi Pere.

# FUNZIUNS SACRES

## 15.04. **3<sup>a</sup> DOMÈNIA de PASCA – Kassiansonntag**

- 09.30 *Corona por la defunta Paola Frena Pitscheider*  
10.00 Mëssa por la Comunità  
15.00 Ora de adoraziun  
18.00 †ti Sabina y Tone Campeï - aniversar  
†ta Maria Alfreider Burchia - aniversar  
†ta Regina Canins  
†ti Antonio y Maria Palumbo • cianta cor Philia •

## 17.04. Mertesc - *Mëssa cun le Senioreclub (te Ciasa Runcher)*

- 14.00** †ti fredesc Valentini de Pic'Tita y Hans Gollwitzer  
†to siur Heinrich Videsott  
por les animes dl purgatore

## 18.04. Mercui - *Mëssa cun i scolars*

- 07.30 †to Sepl Dapré - aniversar  
†ta Amalia Alfreider Irsara - aniversar  
por fam. Paul y Ida Valentin

## 19.04. Jöbia

- 19.30 Liturgia dla Parora

## 20.04. Vëndres

- 07.30 †tes suor Luciane y Albina Pizzinini - aniversar  
†to Lois Pitscheider da Rainé  
†tes Tekla y Veneranda Valentin

## 21.04. Sabeda

- 16.00 Mëssa a Oies

## 22.04. **4<sup>a</sup> DOMÈNIA de PASCA – De mondial dles vocaziuns**

- 10.00 Mëssa por la Comunità  
14.00 Prozesciun a Oies  
18.00 †ta Paola Frena Pitscheider - otavare  
†to Elias Dal Bosco - aniversar  
por i novic Ester Campeï y Manfred Oberkofler  
• cianta cor Kèrygma •

# Dala VITA dla CÛRA

La Domènia, ai **22 de aurí** - **De dles Vocaziuns** - vègnel indo invié duc a tó pert ala **Prozesciun da Badia sö Oies dales 14** domisdé. L'ann passé él ste dër na bona partezipaziun; porchël n bel dilan y prëitambel gnidé indô a perié do Vocaziuns, che i un tan y tan debujëgn.

\*\*\*\*\*

**Radio dla Cûra** - „**Il Segno**“: le Radio dla Cûra é indô bun in funziun y deache al é lié al „Radio Sacra Famiglia dla diozeja“ unse metù fora **te dljia na lada** da pudëi mët ite **ostes propostas**, che nos darun inant ala zentrala dla diozeja a Balsan. Prëitambel y dilan de osta colauraziun. Y spo le foliet „**Il Segno**“ ne vëgn nia plü dé fora, mo **vigni prôm mercui dl mëis** él na plata extra tl „**Alto Adige**“ che vëgn metù adüm dala redaziun diozejana.

*siur Degan*

**Senioreclub:** al se abina en mertesc, ai 17 de aurí dales 14:00 te Ciasa Runcher por na santa mëssa y sté n pü' adüm.

**Referat de siur Sepl Granruaz** „*al vëgn fat dles dütes por abiné i fedei a mëssa – nes unse desmentié le salm 32/33*“ en vëndres, ai 20 de aurí dales 20:00 te Ciasa Runcher.

**A Oies éle vigni vëndres dales 20:00 n'ora de oraziun.** Le prüm dl mëis n'ora de adoraziun, le secundo n'ora arjignada ca da Badia, le terzo ora de Taizé arjignada ca da valgünes jones y le cuarto n'ora arjignada ca da Corvara/Calfosch.

Chësc vëndres, ai 20 de aurí dales 20:00 sarál a Oies l'ora de Taizé.



Tolun pert al dolor di familiars dla defunta Paola Frena Pitscheider che é gnüda cherdada dal Signur en jöbia ai 12 de aurí tl'eté de 97 agn. Che ala pases tla pesc eterna.

**Les ères en Jeun:** le movimënt dles ères da Balsan inviëia les ères da jí en Jeun, en sabeda ai 21 d'aurí, sot al tema „*Y tres indô florësc la vita*“. Dales 14:00 él te dljia da Tlüses na proa da cianté. Dales 14:30 paien sön Jeun olache al sará na zelebraziun liturgica. Dala Val Badia ne vá degun bus, mo an pó se mète en contat cun les ères de Puster, telefonan a Margareth al 348/8107183, o se mète adöm privatamënter.